



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

LXXII. Qualia Luthero-caluinistarum sint in Sanctos Conuitia & Calumniæ?

urn:nbn:de:hbz:466:1-35233

tus agricola; aut mallei vomer, quem cudit
faber.

AVTOR. Sat docui ex ipsismet cō-
tra ipsos, quod vllum fore iudicium ne-
gare cogantur. At verò sunt ea indigna
Christianis auribus; calamò indigniora
castigatorio: nec locum reperiunt apud
quenquam, nisi quem par furia spiritus
infatuarit. Quales brachio sæculari re-
linquendos, aut Deo Vindici, censeo.

Verum quantò Christianis istis aliter
ac sanctius Ethnici ac Turcæ? *Homini*,
ait Cic. in Lælio, *datur ascensus in cælum*
propter mentem, virtutem, fidem. Alcora-
nus in Azoara 1. *Omnis rectè viuens Ma-*
hometes, bonique gestor indubitanter diui-
num amorem assequetur. Et passim Azoara
27. 28. 39. 45. *Secundum modum operum*
suorum quemque Deum remunerabitur, tri-
buens vitam aternam.

VI. DE SANCTO- RVM CVLTV.

QVÆSTIO LXXII.

Qualia Luthero-caluinistarum de
Sanctis sint Mendacia, & in
eos Coniugia?

DE Mendacijs repete ex meo *Men-*
dace Antipapist. q. 4.

CONVITIA LVTHERANORVM
& Calumniæ sunt blasphemæ, factis &
dictis declaratæ.

I. Factis quidem, vt cum Imagines
S. Crucis, Christi & Sanctorum, exocu-
lant, naribus & auribus truncant, muti-
lant manus ac pedes, totoque corpore
statuas scædant, & comminuunt: cum

SS. Reliquas, corpora, & lypsanthecas,
templa Sp. Sancti, cum aris ipsis euer-
tunt, & profanant.

2. Lucianus impius Deos falsos de-
ridiculos fecit, ac irrisit: At Erasmus
Amicos & Domesticos Dei irrisui pro-
pinavit. Ecce Verba impia eius in Col-
loquio, Naufragium.

Num imminente mortis periculo Diui cuiusquam im-
plorasti præsidium? Cui alter: Ne id quidem. Quam-
obrem autem? Quia spacio sum est cælum; si cui Diuorum
commendauero salutem meam, (puta Petro, quia fortasse
prius audiet, vt proprior ostro) priusquam ille conueni-
at Deum, priusquam exponat causam meam, ego iam pe-
riero.

Piò jocos impios!

3. Eodem in libro, more Lucianæo, B.
Virginem, Chrysofomo verè Seraphi-
cis sanctiorem, in locum ponit impuri-
simæ Veneris, in præfectura maris.

4. In Dialogo etiam de peregrinatione fingit B. Ma-
riam ad Glaucoptum scribere talia: *Quod Luthero-*
rum secutus strenuè suades superuacaneum esse innocare
Diuos, à me quidem isto nomine bonam magnamque
gratiam te inisse scito; Nam antehac tantum non ene-
rabar improbris mortalium opprobriationibus. Ab Vna
petebantur omnia; quasi filius meus semper infans esset;
Quia calu fingitur, pingiturque in sinu meo.

Vah! Christianum talia?

LVTHERVVS, *suprà quæst. 38* Pluris non facit B.
Virginis preces, quam cuiusquam è vulgò: quòd simus
æquè sancti, ac illa.

AVTOR. Ecquid igitur Bernardus
tot enumerat Prærogatiuas B. V. Mariæ?
Chrysofomus B. V. dicit *Cherubin hono-*
rationem, Seraphin gloriosorem? Quid
Anselme ais: Ea puritate nitere Mariam,
qua maior sub Deo nequeat intelligi? Si æ-
què sancti omnes, ac B. Maria; quò illi
tropæum Virginitatis, cum maternitatis
honore? Quò illi toleratia tot, ac talium
cum Filio suo Christo? Quo gladii cor
penetrantis patientia? Vt sancti fierent
Martyres, Confessores, &c. quanta subie-
runt? Lutherani, sine talibus, æquè san-
cti sant, sc. ac iusti. P 2 Quin-

QVINTINVS, Sutor & autor Libertinorum, teste Caluino *lib. de instruct. contra Libert. c. 9.* in Sanctos petulantissimus, Paulum appellat *Fas contractum*; Iohannem Iuuenem *stolidum*; Matthæum *foreratores*; Petrum, *Christi abnegatorem*.

CALVINVS istam verè & seuerè arguit impietatis sed ipse impietate immanior fuit. 1. Nam Veteris Testament. Sanctos prociudit *Instit. lib. 3. cap. 14. §. 11.*

Abrahamum idololatram facit. *c. 2. §. 31.* Sara peccauit ei ancillam viro supponens. Rebecca imposturis Dei Veritatem corrumpit, Iacobum mentiri coegit. Iudas, *l. 3. c. 5. §. 8.* vir præposterus Zeli, pro mortuis sacrificium fecit. Sephora, *lib. 4. c. 15. §. 20.* stulta mulier peccauit, filium circumcidens. &c. Moyses, *in 32. Exod.* imperiosè legem Deo præscripsit, suâque eum exiit iustitiâ.

2. Novi Testamenti Sanctos inuocatos, ait, habere aures oportere à cœlo ad terram porrectas, si exaudire debeant. *Instit. l. 3. c. 20. §. 27.* Appellat *Mortuos, Umbras, Laruas, Colluuiem*: In lib. de vera Ecclesiæ reformat. vocat *Monstra, carnifices, bestias.*

AUTOR. Nec seruos suos sic appellari tulisset. Christe, talia qui tuleris? Tu de talibus dicis ac spondes, Apoc. 6. *Si quis vicerit, dabo ei sedere in Throno meo; sicut ego vici, & sedi in Throno Patriæ mei.* Nos tecum, Christe, contra Hagiomachostales, Lutheri, Caluini que Maiores, Porphyrium, Iulianum, Vigilantium, Wiclefsum, &c. stabimus irretorto oculo, pede irremoto. Tu nos Adiuua. Lector consulat doctissimum Nic: Serarium in *Litanæutico lib. 2. c. 14, 16.* de prædictis Caluini monstrosis calumniis in Sanctos.

QVÆSTIO LXXIII.

An Sancti corpore exsoluti sint in cœlis beati?

LUTHERVS in prælect. in Genesim, teste Fri. Stapli-
lo in par. 2. Theol. Luth. Negat.

CALVINVS *Instit. l. 3. c. 20. 29.* Solum

Christum vult in Sancta Sanctorum introgressum; reliquos residere in atrio ad vsque mundi consummationem. *Ibid. §. 24.* Animas dicit eas fide & spe nobiscum coniunctas eadem: proinde visione carere beata. cap. 25. §. 6. *Solum, ait, & temerarium querere, quo in loco sint anime iustorum, & an gloria fruantur: & ipse non frui audacter definit.* Vide supra *quest. 67.* & in mea *Genealog. part. 1. quest. 18.*

Qua eadem in hæresi olim hæserunt, (preter Tertull. & Vigilantium) etiam ARMENI, teste Guidone in *Summa de hæret.* Et GRÆCI, teste S. Thoma in *Opusc. 6. c. 9.* Hi argumeta mouent, quibus nostrates pugnant Nouatores.

SVADENT verò istis. 1. *Matth. 11.* Merces operatiis datur ad vesperam: id est plena beatitudo post extremum iudicium.

2. *Hebr. 11.* *Hi omnes testimonio fidei probati, non acceperunt repromissiones; Deo pro nobis aliquid melius providente. ut non sine nobis consummarentur.* 3. *Apoc. 6.* *Vidi sub altari animas interfectorum.*

4. S. Patres Græci, Latini que sic doctes, post extremum iudicium Sanctos primario fore beatos, quando præmia & pœnæ cuique tribuentur.

5. Nec Christi anima protinus à morte cœlos beata petiuit: in inferno degit ad ipsam resurrectionem: sic & nostræ, quarum exemplar est Christus.

6. Vel dæmones ipsi punientur post iudicium extr. non iam. Vnde *Matth. 8.* *Vestri ante tempus torquere nos: Luc. 8.* *Deprecabantur eum, ne imperaret illis, ut in Abyssum irent.*

7. *Ioan. Scharpius Scotobritannus in Cursu Theol. p. 2. c. 37. q. 1.* arguit Bellarminum falsi, quòd dicat Caluinum negare Sanctos in Dei visionem admisos esse: asseritque nobiscum multis sententiam Catholicam.

AUTOR. Plurima hic paucis decidenda videntur.

L. In Veteri Test. clausam cœli viam Christi-